

**სატენდერო კომისიის სხდომის
ოქმი №1**

5 ოქტომბერი 2018 წ.

ქ. თბილისი

პროგრამული უზრუნველყოფის პაკეტების კომპლექტის შესასყიდად უზენაესი სასამართლოს თავმჯდომარის მოვალეობის შემსრულებლის **07.09.2018 წლის №28-ს §-1** ბრძანებით შექმნილია სატენდერო კომისია და მისი აპარატი ელექტრონული ტენდერის ჩასატარებლად შემდეგი შემადგენლობით:

სატენდერო კომისია:

ნატო ლომთათიძე – კომისიის თავმჯდომარე
სასამართლოს მენეჯერი.

ნოდარ გვადიბაძე – კომისიის წევრი
საფინანსო-სამეურნეო განყოფილების უფროსი.

ლია ყიფიანი – კომისიის წევრი
პირველადი სტრუქტურული ერთეულის ხელმძღვანელის მოადგილე,
სამართლებრივი მხარდაჭერის ხელმძღვანელი

სანდრო ჯორბენაძე – კომისიის წევრი
სამართლებრივი მხარდაჭერის ეროვნული სასამართლო პრაქტიკის შესწავლისა
და განზოგადების განყოფილების უფროსი.

შორენა კობახიძე – კომისიის წევრი
ადამიანური რესურსების მართვისა და განვითარების განყოფილების უფროსი.

ქეთევან კაკაურიძე – კომისიის წევრი
საფინანსო-სამეურნეო განყოფილების მთავარი ბუღალტრის ფუნქციების
შემსრულებელი.

გიორგი ყიფიანი – კომისიის წევრი
ინფორმაციული ტექნოლოგიების განყოფილების მთავარი კონსულტანტი.

გიორგი ასანიძე – ინფორმაციული ტექნოლოგიების ჯგუფის მენეჯერი.

კომისიის აპარატი:

თემურ უშვერიძე
საფინანსო-სამეურნეო განყოფილების მთავარი კონსულტანტი სახელმწიფო
შესყიდვების საკითხებში.

მიხეილ ღვინიაშვილი.
საფინანსო-სამეურნეო განყოფილების მთავარი კონსულტანტი სახელმწიფო
შესყიდვების საკითხებში.

სხდომას არ ესწრება სატენდერო კომისიის აპარატის წევრი მიხეილ ღვინიაშვილი.

განხილვის საკითხი: პროგრამული უზრუნველყოფის პაკეტების კომპლექტის (CPV72212422) შესასყიდად სატენდერო დოკუმენტაციისა და განცხადების ტექსტის დამტკიცება, ასევე, ტენდერის ჩატარების შესახებ განცხადების გამოქვეყნება სახელმწიფო შესყიდვების ერთიან ელექტრონულ სისტემაში.

სატენდერო კომისიამ მოისმინა: კომისიის წევრის გიორგი ასანიძის მოხსენება იმის თაობაზე, რომ საჭიროა სასამართლოს ელექტრონული საძიებო სისტემის შექმნა, ვინაიდან სასამართლო გადაწყვეტილებების პროაქტიული ხელმისაწვდომობა, კარგი მმართველობის და გამჭვირვალე სასამართლო სისტემის უმნიშვნელოვანესი კომპონენტი და წინაპირობაა. ამ მიმართულებით მნიშვნელოვანია სასამართლო გადაწყვეტილებათა და სამართალწარმოების პროცესის შესახებ ინფორმაციის პროაქტიული გამოქვეყნება.

მისივე განმარტებით, შესყიდვის სავარაუდო ფასის დასადგენად განხორციელდა ბაზრის კვლევა. წარმოდგენილ იქნა ოთხი ინვოისი შემდეგი კომპანიებიდან: შპს „ტოპ გრუპი“ – ფასი 701 000.00 ლარი, შპს „სქუალიო საქართველო“ – ფასი 440 000.00 ლარი, შპს „იუ თი ეს“ – ფასი 405 000.00 ლარი და შპს „იუ-ჯი-თი“ – ფასი 399 000.00 ლარი. გიორგი ასანიძემ აღნიშნა, რომ მომსახურება უნდა განხორციელდეს ორ ეტაპად, პირველი ეტაპი ხელშეკრულების გაფორმებიდან არაუმეტეს 60 კალენდარული დღე და მეორე ეტაპი პირველი ეტაპის დასრულებიდან არაუმეტეს 60 კალენდარული დღე. სულ აღნიშნული პროექტი უნდა დასრულდეს არაუმეტეს 120 (ასოცი) კალენდარული დღის განმავლობაში და განთავსდეს საქართველოს იუსტიციის უმაღლეს საბჭოსთან არსებულ სსიპ საერთო სასამართლოების დეპარტამენტის დატაცენტრში.

მანვე განმარტა, რომ პროექტის დასრულების შემდეგ, აღნიშნულმა ელექტრონულმა საძიებო სისტემამ უნდა გაიაროს ტექნიკური და სამომხმარებლო ტესტირება, შემოწმება შედწევადობაზე და სისუსტეებზე საქართველოს იუსტიციის სამინისტროს მონაცემთა გაცვლის სააგენტოს კომპიუტერულ ინციდენტებზე რეაგირების სამსახურში. ამასთან, უნდა მოხდეს მოწოდებული ფუნქციონალის აღწერის დოკუმენტის შესაბამისობის შემოწმება სატენდერო დოკუმენტაციის ტექნიკურ დავალებასთან მიმართებაში. შემოწმება უნდა განხორციელდეს სსიპ ლევან სამხარაულის სახელობის სასამართლო ექსპერტიზის ეროვნულ ბიუროში ან შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ მიმწოდებლის ხარჯებით.


სატენდერო კომისიის თავმჯდომარემ ნატო ლომთათიძემ ისაუბრა სასამართლოს საქმის წარმოების ელექტრონული სისტემის შესახებ და აღნიშნა, რომ სისტემის შექმნის მიზანია სასამართლოში საქმეთა წარმოებასთან დაკავშირებული პროცესების სრული ავტომატიზაცია. მისივე განმარტებით, სისტემა საგრძნობლად დააჩქარებს საქმის წარმოების პროცესს და ხელს შეუწყობს მოსამართლეებსა და პროცესში ჩართულ სხვა თანამშრომლებს შორის საქმეებთან დაკავშირებულ ნებისმიერი

ინფორმაციის მიღებას, სისტემა დაეხმარება მათ ყოველდღიურ საქმიანობაში. ელექტრონული სისტემა უზრუნველყოფს საქმეებთან დაკავშირებული ყველა ტიპის დოკუმენტის შენახვას, დამუშავებას და მოძიებას. ასევე, ნებისმიერ დაინტერესებულ პირს ექნება შესაძლებლობა სისტემის საშუალებით მიიღოს კონკრეტულ საქმესთან დაკავშირებული ინფორმაცია. მან კომისიის წევრებს გააცნო სატენდერო დოკუმენტაცია.

კომისიამ იმსჯელა სატენდერო დოკუმენტაციისა და სატენდერო განცხადების ტექსტის თაობაზე და დაადგინა: შესყიდვის სავარაუდო ღირებულებად განისაზღვროს 399 000.00 ლარი, პროგრამის შექმნის და ინსტალირების ვადა განისაზღვროს 120 კალენდარული დღით ხელშეკრულების გაფორმებიდან.


1. „სახელმწიფო შესყიდვების სააგენტოს“ თავმჯდომარის 2017 წლის 14 ივნისის №12 ბრძანების მე-15 მუხლის თანახმად, დამტკიცებულ იქნეს სატენდერო დოკუმენტაცია და განცხადება ტენდერის ჩატარების შესახებ.
2. „სახელმწიფო შესყიდვების შესახებ“ საქართველოს კანონის მე-15¹ მუხლის მე-3 პუნქტის ბ) ქვეპუნქტის თანახმად, გამოცხადდეს ელექტრონული ტენდერი.
3. სატენდერო წინადადების შეთავაზების ფასის კლების ბიჯი განისაზღვროს 7 000.00 ლარის ოდენობით.
4. დაევალოს სატენდერო კომისიის აპარატს განცხადება და სატენდერო დოკუმენტაცია დადგენილი წესით ატვირთოს სახელმწიფო შესყიდვების ერთიან ელექტრონულ სისტემაში.

კომისიის თავმჯდომარე:



ნატო ლომთათიძე

კომისიის წევრები:



ზორბარ გვადიბაძე

[Handwritten signature]

ლია ყიფიანი

[Handwritten signature]

შორენა კობახიძე

[Handwritten signature]

სანდრო ჯორბენაძე

[Handwritten signature]

გიორგი ყიფიანი

[Handwritten signature]

ქეთევან კაკაურიძე

[Handwritten signature]

გიორგი ასანიძე

აპარატის წევრი:

თემურ უშვერიძე

